

影印
文淵閣

四庫全書

影印

文淵閣四庫全書

第五二三冊

北京出版集團公司
北京出版社

本册目次

浙江通志(五)

清

嵇曾筠等監修
沈翼機等編纂

……一

欽定四庫全書

史部
浙江通志卷一百四十六

詳校官給事中臣戴璐

檢討臣德生覆勘

總校官編修臣倉聖脉

校對官主簿臣汪日贊

謄錄監生臣張炳

欽定四庫全書

浙江通志卷一百四十六

名宦

名崇郇雨具載風詩蓋遺愛在民歷久而不能忘也兩浙仕宦後先相望而樹德建功光昭竹帛者正復指不勝屈凜遵

聖諭矢公矢慎遠稽近者不敢有善而失載尤不敢無

美而濫登至前代有以浙人仕浙者其政績具見

欽定四庫全書

浙江通志卷一百四十六

人物門無庸複出志名宦

總轄

周

范蠡

史記越王句踐世家蠡事越王句踐苦身戮力與句踐深謀二十餘年滅吳報會稽之恥北渡

兵於淮以臨齊晉號令中國以尊周室句踐以霸蠡稱上將軍還反國蠡以為大名之下難以久居

乃乘舟浮海以行

自號鴟夷子皮

謹按史記索隱注蠡字少伯楚宛三戶人舊浙江通志作吳人非是

計然

史記貨殖傳越王句踐困于會稽之上乃用計然計然曰知關則修備時用則知物二者形則

萬貨之情可得而觀已平糶齊物闕市不乏治國之道也論其有餘不足則知貴賤貴上極則反賤賤下極則反貴貴出如真土賤取如珠玉財幣欲其行如流水修之十年國富厚賂戰士赴矢石如渴得飲遂報強吳觀兵中國注徐廣曰計然葵邱濮上人姓辛氏字文子

秦

王翦

史記本傳平陽東鄉人少好兵事秦始皇乘勝畧定荆地城邑因南征百越之君始皇二十六

年盡并天下王氏功為多

謹按秦始皇本紀二十五年翦遂定荆江南地降越君置會稽郡於浙有平定功當入名宦後漢嬰

此倣

欽定四庫全書

浙江通志卷一百四十六

漢

灌嬰

漢書本傳睢陽販繒者也高祖為漢王嬰以御史大夫將軍騎別追項籍渡江定吳會稽郡漢

王即帝位剖符食潁陰二千五百戶諡懿侯

魏相

漢書本傳字弱翁濟陰定陶人舉賢良以對策高第為茂陵令遷揚州刺史考按郡國守相多

所賤退丙吉與相書曰朝廷已深知弱翁治行方且大用矣願少慎事自重藏器于身相心善其言

為壽威嚴居部二歲散為諫大夫宣帝即位為丞相封高平侯

謹按漢之揚州刺史及東漢初之揚州牧皆統轄浙郎者也如魏相鮑永諸人舊浙江通志皆失載

今補錄焉

黃霸

漢書本傳字次公淮陽陽夏人舉賢良為揚州刺史三歲宣帝下詔曰制詔御史其以賢良高

第揚州刺史霸為潁川太守霸以外寬內明得吏民心治為天下第一五鳳三年代丙吉為丞相封

建成侯自漢興言治民吏以霸為首

何武

漢書本傳字君公蜀郡郫縣人舉賢良方正徵對策拜為諫大夫遷揚州刺史所舉奏二千石

長吏必先露章服罪若為虧除免之而已不服極法奏之抵罪其餘賢不肖敬之如一是以郡國各

重其守相州中清平行部必先即學官見諸生試其誦論問以得失然後入傳舍出記問墾田頃畝

五穀美惡已乃見二十石以為常為刺史五歲入為丞相司直綏和元年為御史大夫更為大司空

封邑鄉侯

欽定四庫全書

浙江通志卷一百四十六

鮑永

後漢書本傳字君長上黨屯留人光武即位遷揚州牧時南土尚多寇暴永以吏人瘼傷之後

乃緩其苛虐示誅強橫而鎮撫其餘百姓安之後為兗州牧

張禹

後漢書本傳字伯達趙國襄國人舉孝廉建初中拜揚州刺史當過江行部中士民皆以江有

子胥之神維于濟涉禹將渡吏問請不聽屬言曰子胥如有靈知吾志在巡察枉訟豈危我哉遂鼓

楫而過歷行郡邑深幽之處莫不畢到親錄因徒多所明舉吏民希見使者民懷喜悅怨德美惡莫

不自歸焉入為大司農拜太尉

馮緄

後漢書本傳字鴻卿巴郡宕渠人舉孝廉順帝以緄持節督揚州諸郡軍事與中郎將滕撫擊

破羣賊後為廷尉卒于官

劉祐 後漢書本傳字伯祖中山安國人舉孝廉為揚州刺史時會稽太守梁昱大將軍翼之從弟也

祐舉奏其罪昱坐徵還帖河東太守

臧昱

後漢書臧洪傳洪廣陵射陽人父昱有幹事才

昱平元年會稽妖賊許昭起兵向章自稱大將軍攻破城邑眾以萬數拜昱揚州刺史昱率丹陽太守陳黃擊昭破之昭遂復更七結大為人患昱等進兵連戰三年破平之獲昭父子斬首數千級

三國吳

蔣欽

吳志本傳字公奕九江壽春人孫策東渡拜別部司馬遷西部都尉會稽治賊呂合秦狼等為

亂欽將兵討擊遂擒合狼五縣平定徙討越中郎將

欽定四庫全書

浙江通志卷一百四十六

呂岱

吳志本傳字定公廣陵海陵人孫權召署錄事出補餘姚長名募精健得千餘人會稽東治五

縣賊呂合秦狼等為亂以岱為督軍校尉與將軍蔣欽等將兵討之遂擒合狼五縣平定拜昭信中

郎將嘉禾四年廬陵賊李桓路合會稽東治賊隨春南海賊羅厲等一時並起權復召岱督劉纂唐

咨等分部討擊春首降岱拜春偏將軍使領其眾

晉

周筵

晉書周處傳處義興陽美人子札兄子筵卓

難加冠軍將軍都督會稽吳興義興晉陵東陽軍事率水軍三千人討沈充未發聞其叔札開城納

殷憤宅陳慨形于辭色尋遇害

王舒

晉書本傳字處明瑯琊臨沂人丞相導之從弟成帝時授撫軍將軍會稽內史在郡二年而蘇

峻作逆假節都督行揚州刺史事庾冰奔舒舒率眾俱渡浙江顧眾顧颺等起義軍以應舒吳興太守虞潭率所領屯烏邑亭不敢進舒遣子允之以

精銳三千邀賊于武康破之時臨海新安諸山縣並應賊舒分兵討之陶侃立行臺上舒監浙江東五郡軍事賊平以功封彭澤縣侯卒贈車騎大將軍儀同三司諡曰穆

顧眾

晉書本傳字長始吳郡吳人成帝時為義興太守蘇峻反眾還吳潛圖義舉時吳國內史庾冰

奔于會稽峻以蔡謨代之前陵江將軍張愬為峻收兵于吳眾遣人喻愬愬從之眾遣郎中徐機告謨謨檄眾為本國督護會稽內史王舒吳興內史虞潭並檄眾為五郡大督護統諸義軍潭遣將姚

欽定四庫全書

浙江通志卷一百四十六

休為眾前鋒與賊戰沒眾還守紫壁時賊黨方銳人咸勸眾過浙江眾曰不然今保固紫壁可得全

錢唐以南五縣若越他境便為寓軍控引無所非長計也臨平人范明亦謂眾曰此地險要可以制

寇不可委也眾乃版明為參軍復進討賊峻平論功封鄱陽縣伯卒贈光祿大夫諡曰靖

蔡謨

晉書本傳字道明陳留考城人舉秀才元帝辟為掾轉參軍後為中書侍郎歷義興太守遷侍

中蘇峻構逆吳國內史庾冰出奔會稽乃以謨為吳國內史謨既至與張闓顧眾顧颺等共起義兵迎冰還郡峻平復為侍中賜爵濟陽男康帝即位代殷浩為揚州刺史卒贈侍中司空諡曰文穆

何充

晉書本傳字次道廬江潁人成帝時拜散騎常侍出為東陽太守除建威將軍會稽內史在郡

甚有德政薦徵士虞喜拔郡人謝奉魏顗等以為佐史後去郡除丹陽尹建元初領揚州刺史

王述 晉書本傳字懷祖太原晉陽人少襲父爵出補臨海太守遷建威將軍會稽內史蒞政清肅終日無事代殷浩為揚州刺史

却愔 晉書却鑒傳鑒高平金鄉人子愔字方回為臨海太守在郡優游頗稱簡默簡文帝補政徵為光祿大夫除太常深抱冲退樂補遠郡出為會稽內史桓溫還愔却督徐兗青幽揚州諸軍事轉會稽內史簡文帝踐阼加都督浙江東五郡軍事以年老乞骸骨因居會稽徵拜司空詔書優美敦獎慇懃固辭不起

王薈 晉書王導傳導子薈字敬文少歷清官除吏部郎侍中吳國內史時年饑粟貴人多餓死薈以私米作餼粥以飼餓者所濟活甚眾徵拜尚書領中護軍復為吳國內史轉督浙江東五郡左將軍

欽定四庫全書 浙江通志 卷一百四十六 會稽內史加散騎常侍 按蒼卿瑯琊沂人

劉牢之 晉書本傳字道堅彭城人孫恩陷會稽牢之遣將桓寶率師救三吳復遣子敬宣為寶後繼率眾東討至吳興與衛將軍謝琰擊賊屢勝徑臨浙江進拜前將軍都督吳郡諸軍事時謝琰屯烏程遣司馬高素助牢之牢之率眾軍濟浙江恩懼逃于海牢之還鎮恩復入會稽牢之進號鎮北將軍都督會稽五郡率眾東征屯上虞分軍戍諸縣及恩死牢之威名轉振

南北朝

蔡興宗 宋書本傳世祖時為臨海東陽太守遷會稽太守加都督會稽東陽新安永嘉臨海五郡諸軍事會稽多諸豪右又幸臣近習蔡半官首封畧山湖妨民害治興宗皆以法繩之會土全實民

物殷阜王公妃主邸舍相望大為民患子息滋長督責無窮興宗悉啟罷省又陳原諸逋負解遣雜役並見從三吳舊有鄉射禮久不復修興宗行之禮儀甚整尋任荊州刺史封樂安縣伯 按興宗人廩子

蕭子良 南史本傳字雲英武帝第二子宋昇明三年為會稽太守都督五郡封開善公子良敦義愛古郡人朱百年有至行朱卒賜其妻米百斛獨一人給其薪夏禹廟咸有禱祀子良曰禹泣辜表仁菲食旌約服玩果粽足以致誠使歲獻扇簞而已時有山陰人孔平詣子良訟嫂市米負錢不還子良歎曰昔高文通與寡嫂訟田義異于此乃賜米錢以償平武帝即位封竟陵郡王

蕭映 南史本傳字宣光高帝第三子仕宋位給事黃門侍郎南兗州刺史高帝踐阼改都督揚州刺史

欽定四庫全書 浙江通志 卷一百四十六 史蒞事聰敏府州曹局皆重足以奉禁令永明元年為侍中驃騎將軍

蕭景 南史本傳字子照梁武帝從父弟也仕齊為永寧令政為百城最永嘉太守范述曾居郡號稱廉平推服景為政乃榜邸門曰諸縣有疑滯者可就永寧令決以疾去官永嘉人胡仲宣等千人詣闕表請景為郡武帝踐阼封吳平縣侯天監十五年詔景為安右將軍監揚州置佐史在州尤稱明斷符教嚴整有田舍老嫗訴得符還至縣縣吏未即發姓語曰蕭監州符如火汝手何敢留之其為人所畏

程靈洗 陳書本傳字元滌新安海寧人以勇力聞梁末侯景據有新安相西侯蕭懿奔靈洗靈洗奉以主盟劉神茂自東陽建義靈洗與神茂相應元帝授持節通直散騎常侍都督新安即諸軍事

景敗進軍建德擒賊帥平所部下揚州助王僧辯鎮防還吳興太守陳紹泰元年授信武將軍封遂安縣侯

賀若弼

隋書本傳字輔伯河陽雒陽人高祖拜弼為吳州總管委以平陳之事開皇九年大舉伐陳以弼為行軍總管平陳後帝勞之曰克定三吳卿之功也加上柱國封宋國公

楊素

隋書本傳字處道弘農華陰人為行軍總管浙江賊帥高智慧自號東揚州刺史船艦千艘屯據要害兵甚勦素擊之自旦至申苦戰而破智慧逃入海素躡之從餘姚泛海趣永嘉智慧來拒戰素擊走之擒獲數千人賊帥汪文進振東陽進討悉平之又破永嘉賊帥沈孝徹于是步道向天台指臨海郡逐捕遺寇前後百餘戰智慧遁守閩越詔令馳傳入朝素以餘賊未殄恐為後患又自

欽定四庫全書

浙江通志卷一百四十六

請行乃下詔任以大兵總為元帥素復乘傳至會稽汎海追捕執智慧斬于泉州自餘支黨悉來降附江南

大定

來護兒

隋書本傳字崇善江都人平陳之役有功進位上開府從楊素擊高智慧于浙江而賊據岸為營周亘百餘里船艦被江鼓譟而進素令護兒率數百輕艦徑登江岸直掩其營破之智慧窮感遁走進位大將軍

謹按舊浙江通志名宦總部自周至隋共一十六人重加考訂陳憚當入杭州嚴州祠祀志高史若當入嘉興陸慧曉當入紹興劉裕即宋武帝不當列于名宦江子一慕容三藏並無政績孫韶係孫策之屬籍及沈懷文周文育俱浙江人當入人物志茲從諸史信志採錄凡三十一人

唐

李大亮

唐書本傳京兆涇陽人大亮有文武才畧高祖擢越州都督貞觀八年為劍南道巡省大非義在越州寫書數百卷及去留都督署

龐玉

萬歷紹興府志京兆涇陽人魁梧有力明軍法仕隋為監門直閤率萬騎降高祖以隋舊臣禮之授領軍武衛二大將軍加越州都督威望甚著盜不敢入境卒贈幽州都督工部尚書越人思其遺澤祠為城隍之神

狄仁傑

唐書本傳字懷英并州太原人高宗時拜冬官侍郎持節江南巡撫使吳楚俗多淫祠仁傑一禁止凡毀千七百房止留夏禹吳太伯季札伍員四祠而已轉文昌左丞中宗贈司空封梁國

欽定四庫全書

浙江通志卷一百四十六

公

李潛

唐書良吏傳洛隴西人開元初置諸道按察使咸選能吏以潛為江南東道按察使封真源縣子潛誠信待物稱為良吏去職有遺愛贈戶部尚書諡曰成

齊澣

嘉靖浙江通志字沈心定州義豐人開元二十六年為江南東道採訪使先是廢鄞州為鄞縣隸越州澣始奏請復為州以境內有四明山故號為明州招集流民五百戶安輯之天寶初召為太子詹事

劉晏

唐書本傳字士安曹州南華人天寶末拜度支郎中兼侍御史領江淮租庸事晏至吳郡而永王璘反採訪使李希言假晏守餘杭晏因發義兵堅壁王聞晏有備遂自晉陵西走終不言功代宗

時拜御史大夫領江淮轉運使移書元載陳四利
四病載以漕事委晏晏盡其才歲輸至天子勞曰
卿朕卿侯也凡歲致四十萬斛初晏分置諸道租
庸使慎簡臺閣士專之皆新進銳敏盡當時之選
趙督倚辦
故能成功

王栖曜

舊唐書本傳濮州濮陽人上元元年王嶼為
浙東節度使奏為馬軍兵馬使廣德中表罷
亂台州盡有浙江之地御史中丞袁孝榮討秦
昭為偏將連日十餘戰生擒袁晁收復郡邑授浙
江都知
兵馬使

李栖筠

唐書本傳字貞一世為趙人舉進士代宗時
平肅行軍司馬許杲恃功擅留上元有窺江
吳意拜栖筠浙西都團練觀察使圖之栖筠至聚
設武備遣辦士厚齎金幣抵杲軍賞勞使士敬愛

欽定四庫全書

浙江通志
卷一百四十六

奪其謀杲懼悉眾渡江又增學廬表宿儒河南
沖吳何員等起拜學官為之師身執經問義遠過
趨慕至徒數百人又奏部豪姓多徙貫京兆河南
規脫徭科請量產出賦以杜姦謀詔可尋拜御史
大夫

韓滉

舊唐書本傳字太冲京兆長安人大歷十二年
拜浙江東西都團練觀察使尋加鎮海軍節度
使滉安輯百姓均其租稅未及踰年境內稱理滉
師之亂滉以兵三千人臨金山江南兩浙轉輸粟
帛府無虛月朝廷賴焉興元二年特封晉國公上
以滉浙江東節度素著威名加江淮轉運使尋加
度支諸道轉
運鹽鐵等使

李若初

冊府元龜趙郡人貞元中為浙西觀察使善
於吏道時錢少貨輕州縣禁錢不出境商賈

不通若初始奏縱錢以起萬貨詔
可而性剛嚴強力求下吏人畏服

皇甫政

嘉泰會稽志貞元三年自權知宣州刺史授
浙東觀察使紹興府志政在鎮十年多惠蹟
修治水利開鑿玉山朱儲二
斗門以時蓄洩民甚德之

王緯

唐書本傳字文卿并州太原人德宗進絳給事
中浙西觀察使缺宰相李泌擬絳帝曰黃門要
地獨不留議事耶對曰浙西賦入尤劇絳清而忠
能惠養民故請遣之制可初州縣有韓滉時罰錢
未入者十八萬緡府吏請哀為進奉絳上疏願
以紓民詔聽之貞元十年加御史大夫兼諸道鹽
鐵轉
運使

裴肅

舊唐書裴休傳休河南濟源人父肅貞元中越
州刺史浙東團練觀察等使時山賊乘鎧誘山

欽定四庫全書

浙江通志
卷一百四十六

越為亂陷浙東郡縣肅帥台州兵討平之
因紀其事號平戎記上之德宗嘉賞焉

閻濟美

舊唐書良吏傳濟美登進士第貞元末自婺
州刺史為浙西觀察使以簡澹為理常賦之
外不知其他入
拜右散騎常侍

薛戎

舊唐書本傳字元夫河中寶鼎人閻濟美為福
建觀察使奏充副使又隨濟美移鎮浙東累改
衢州常三州刺史遷浙東觀察使所莅皆以政績
聞檢身處約不務虛名俸入之餘散于宗族身歿
之後人無識焉唐書本傳所部州餉酒
禁者死槁未貢先傷者死戎弛其禁
楊於陵
唐書本傳字達夫弘農人貞元末進浙東觀
察使越人饑請出米三十萬石撫贍貧民政

楊於陵

聲流聞入為京兆尹
以尚書左僕射致仕

李遜

唐書本傳字友道趙郡人元和初為衢州刺史以政績殊尤遷越州刺史兼御史大夫浙東

都團練觀察使先是貞元初皇甫政鎮浙東福建兵亂逐觀察使吳詵政以所鎮實壓閩境請權益

兵三千俟賊平而罷賊平三十年而所益仍舊遜視事數日舉奏停之遜為政以均一貧富扶弱抑

強為已任故所至稱理長慶元年進位檢校吏部尚書

孟簡

嘉靖浙江通志字幾道德州平昌人舉進士為睦州刺史元和中和進浙東觀察使于山陰縣北

開新河又于縣西北開運道塘與韓愈友善以文學名

竇易直

唐書本傳字宗元京兆始平人元和中為浙西觀察使長慶二年江淮早漕物淹積不能

前部將王國清指漕貨激衆謀亂易直知之械國清送獄其黨數千羣罪入獄篡取之欲大剽易直

欽定四庫全書

浙江通志

卷一百四十六

登樓令曰能誅亂者一級賞千萬衆喜反縛為亂者三百餘人易直悉斬之入為戶部侍郎同平章

事諡恭惠

薛韋

唐書良吏傳河東寶鼎人遷浙江東道觀察使以理行遷浙江西道觀察使廉風俗守法度

人甚安之理身儉薄常衣綠袍十餘年不易因加賜朱紱然後解去除左散騎常侍致仕

元稹

白居易元君墓誌字微之河南人穆宗時拜浙東觀察使先是明州歲進海物其程日馳百里

稹至郡奏罷之辨沃瘠察貧富均勞逸以完稅籍冬築陂塘春貯雨水夏既旱苗農人賴之無餓殍

會稽山水奇秀所辟幕職皆當時文士鏡湖泰望之游賦詠詩什動盈卷帙副使實罕與之酬唱最

多至今稱蘭亭絕唱在越八載政成課高加檢校禮部尚書入為尚書左丞

陸亘

唐書本傳字景山蘇州吳人浙東觀察使文明嚴重以善政稱温州瀕海經賊亂奪官吏半祿

代民租後相沿沿更以為奸亘還官全廉繩賊罪吏畏而賴之

崔郾

唐書本傳字廣畧清河武城人舉進士敬宗時浙江西道都團練觀察使用寬政安疲人清

簡少事財用有餘卒贈吏部尚書諡曰德

丁公著

唐書本傳字平子蘇州吳人舉明經高第穆宗授浙西觀察使徙為河南尹治以清靜聞

長慶中浙中災厲拜觀察使詔賜米七萬斛使賑饑民久之入為太常卿

李德裕

唐書本傳字文饒趙郡人穆宗即位召入翰林充學士後為浙西觀察使儉于自奉留

州所得盡以贍軍俗信巫祝惑鬼怪有父母兄弟厲疾者舉室棄之而去德裕擇鄉人之有識者論

欽定四庫全書

浙江通志

卷一百四十六

之以言繩之以法弊風頓革屬郡祠廟按方志前代名臣賢后則祠之除淫祠一千一十所人樂其

政敬宗即位詔浙西造銀盞子粧具二十事進內又詔進可幅盤條綾綾一千匹德裕具論奏罷優

詔報之德裕身居廉鎮傾心王室遣使獻丹晨歲宵衣正服罷獻納誨邪邪防殿六首帝手詔答焉

太宗即位加檢校禮部尚書德裕在浙西八年雖遠闕廷每上章言事文宗素知忠藎採朝論徵之

太和八年改鎮海軍節度蘇常杭潤觀察等使九年授太子賓客分司明年復浙西觀察使凡三鎮

浙西前後十餘年武宗即位授門下侍郎同平章事

敬晦

唐書本傳字日彰河中河東人進士及第大中中浙西觀察使時南方連饑有詔弛推酒茗官

用告要晦處身儉勤費力遂充徙充海節度使

王式

唐書本傳太原人太和中劇賊裴甫亂明越觀

察使鄭祗德不能討宰相選式往代懿宗問方

畧對曰第假臣兵寇不足平也詔益許滑淮南兵

式發自北福里第麾幟皆束靡獵獵有聲喜曰是

謂得天時矣聞賊用騎兵乃閱所部得土番回鶻

遷謀數百發龍皮監牧馬起用之集土團諸兒為

鄉導擒甫斬之加檢校右散騎常侍餘姚民徐澤

專魚鹽之利慈谿人陳域冒名仕至縣令皆豪縱

不能制式曰甫竊發不足畏若澤域乃巨猾也

窮治其姦皆榜死咸通三年徙武寧節度使

王龜册府元龜字大年太原人咸通中為浙東觀察

使凡天下有倉庫羨餘皆隸于本州名曰賞設

庫以備地主之費迨則有給于公者給之或遊客

故人皆以己俸奉之初龜為同州刺史有惠政浙

人聞其至惟迎馬

卒贈工部尚書

欽定四庫全書

浙江通志

高

裴璩

嘉靖浙江通志絳州聞喜人乾符四年為浙江

鎮海節度使值浙西狼山鎮逼使王郢作亂璩

密招其黨朱實降之散其徒六七千人郢奔明州

五年曹師雄寇湖州璩遣兵擊破之官至太子太

師

謹按舊通志名宦總部唐代一十八人重加考訂

汪華當入祠祀李緝當入衢州趙隱政績未善而

洪經綸臣于朱泚劉巨容高駢在藩鎮中尤稱悖

五代

元德昭

吳越備史字明遠撫州南城人姓危氏武肅

更曰元起家鎮東軍節度巡官錢塘縣令累

授睦州軍事判官知台州新亭監文穆襲國遂掌

文翰忠獻王時南閩用師凡兵機細務悉以委之

尋拜丞相德昭厚重多謀臨事不撓每屬嚴警議

者盈庭德昭至則他論皆息軍中有不識理者德

昭以事諭之

無不聽服

使累有

防禦功

景景十國春秋青州淄水人唐廣明時杭州建八都

郭師從嘉靖浙江通志合肥人仕吳越為浙東馬步

都虞候從文穆王破廣德征無錫皆有功

累遷浙西營田副使忠獻王

時以累勲拜同參相府事

謹按舊通志名宦總部五代共八人重加考訂黃

晟曹信曹仲達俱係浙人當入人物林鼎不當入

欽定四庫全書

浙江通志

十五

宋

名宦皮光業沈崧均無在任政

范旻

宋史本傳字貴參大名宗城人太平興國初錢

國日徭賦繁苛凡薪粒蔬果箕帚之屬

悉收算歛盡釋不取以蠲其弊從之

楊克讓

宋史本傳字慶孫同州馮翊人太平興國初

每視事自旦至暮或通夕斷決

如流無有疑滯當時稱為能吏

崔守素

宋史本傳濟州任城人太平興國三年錢俶

安撫諸郡人心甚悅即以知杭州守素性謹慎寬

仁容眾凡斷大辟獄雖罪狀明白仍徧詢僚案僉

同而後決屬吏有過不面折必因公宴
據往事之相類者言其獲咎以微警之

周渭

宋史本傳字得臣昭州恭城人建隆初上書言
時務召試賜同進士出身太平興國中進殿中

侍御史改兩浙東路轉運使歷彰信軍節度副使
咸平二年真宗聞其清節召還卒貧不克葬賜贖

錢十萬

樂史

嘉靖浙江通志字子正撫州宜黃人南唐進士
宋太宗時復登甲科累官兩浙巡撫使釋通負

賑饑民若有太
平寰宇記諸書

李若拙

宋史本傳字藏用京兆萬年人舉進士淳化
二年為兩浙轉運使實狀魁偉尚氣有幹才

楊允恭

宋史本傳漢州綿竹人太宗時命督江南水
運以功轉江淮兩浙都大發運掌畫茶鹽捕

欽定四庫全書

浙江通志
卷一百四十六

十六

賊事先是三路轉運使各領其職或慮戾多積而
軍士舟楫不給惟以官錢僱丁男挽舟土人憚其
役以是歲上供米三百萬允恭盡籍三路舟卒與
所運物數令諸州擇牙吏悉集允恭乃辦數授之
江浙所運止于淮泗由淮泗輸京師行之一歲上
供者六百萬咸平初命允恭為荆湖江浙都巡檢
使

夏侯嶠

王惟儉宋史記字峻極鉅野人太平興國進
士咸平二年秋江浙饑命為江南巡撫使所

過疏理刑訟存問耆老務從寬簡人以為
便使還采病民二十餘事上之亟詔釐革

劉師道

宋史本傳字損之一字宗聖開封東明人雍
熙進士咸平三年為淮南江浙荆湖發運使

敏于吏事所至
有聲吏民畏愛

孫冕

嘉靖浙江通志字伯純新淦人雍熙進士咸平
中為兩浙轉運使治獄不濫斷訟如神弛張在

已無所吐茹吏
畏而民愛之

任中正

宋都事畧字慶之曹州濟陰人舉進士真宗
時擢兩浙轉運使民饑中正發官廩以賑之

累遷兵部尚
書諡康懿

李防

宋史本傳字智周大名內黃人舉進士累遷秘
書丞二浙民饑建言逃戶田宜即召人耕種使

人不致輕去畝畝而官賦常在又請京師置折中
倉聽人入粟以江浙荆湖物價之景德初江南旱

與張知白分東西路安撫上言泰義嘗增江淮兩
浙荆湖權餉錢民頗煩擾詔悉罷之遂為江南轉

運累遷兵部郎
中擢諫議大夫

欽定四庫全書

浙江通志
卷一百四十六

十七

曹克明

宋史本傳字堯卿為溫台等七州都巡檢使
景德中改供備庫副使知邕州代還真宗問

南方事對稱旨遷江淮兩浙都大提舉提賊克明
使人捕賊賊出私錢資之以故人人盡力視賊中

越勇若釋縛使還捕
其黨前後獲千餘人

陳堯佐

宋都事畧字希元閬州閬中人舉進士為兩
浙轉運使錢塘江隄以竹籠石而潮齧之不

數歲輒壞而復理堯佐議實薪土以易之或言其
不可後隄久不成仍用薪土景祐四年拜同中書

平章事
諡文惠

韓億

張方平韓億傳字宗範真定靈壽人咸平進士
除殿中侍御史准浙饑命億安撫所至先察吏

治宣布慈惠救荒之政畢
舉景祐二年授參知政事

孫長卿

宋史本傳字次公揚州人天禧中官浙江荆
淮發運使歲漕米至八百萬或疑其多長卿
曰吾非欲事美贏以備饑歲爾轉兵部侍郎長卿

張傳

宋史本傳字巖卿亳州人進士第累遷兩浙轉
運使強力治事審發簿書勾擿奸隱州縣憚之
傳曰奚為我憚哉吾所以事事致察者正所以愛
州縣也吏不敢慢則州縣不復犯法矣後以工部

侍郎
致仕

鍾離瑾

宋史本傳字公瑜廬州合肥人舉進士提點
兩浙利獄衢州饑聚餓者食之頗廢農作請
發米二萬斛賑給家毋過
一斛還尚書刑部郎中

王琪

宋史本傳字君玉成都華陽人起進士歷兩浙
淮南轉運使入判太常寺出知杭州以禮部侍
郎致仕琪性孤介不與時合數臨東南名鎮政尚
簡靜每疾俗吏飾厨傳以沽名譽故待賓客頗闊
畧間造罪語起
謗終不自恤

欽定四庫全書

浙江通志
卷一百四十六

九

段少連

宋史本傳字希逸開封人權杭州觀察判官
後為兩浙轉運副使舊使若所至郡縣索簿
書不暇彈閱往往委之吏胥吏胥持以為貨少連
命即縣上簿書悉緘識過事間指取一二自閱撫
其非是者按之餘不及閱者全緘識以還由是吏
不能為奸部吏有過名語曰聞子所為若此有之
乎有當告我容汝自新苟以為無吾不使善人被
謗即為汝辨明矣吏不敢欺皆以實對秀州獄死
無罪人時少連在杭吏畏恐聚謀偽為死者服罪
欺未及緹屬少連已挈舟入城訊獄吏具服請罪
以為神明使使淮
南兼發運司事

張夏

七俗類藁字伯起雍邱人太宗朝進士景祐中
出為兩浙運使杭州江岸率多薪土潮水衝激
不過三歲帆壞夏令作石堤一十二里以
防江湖既成杭民德之慶歷中立廟堤上

田瑜

宋史本傳字忠資河南壽安人舉進士慶歷中
為兩浙轉運按察使杭州龍山堤歲決水冒民
居輒賦窮塞之瑜與民約每窮十束更輸石一尺
率五歲得石百萬為石堤堤固而歲不調民仕至
龍圖閣
直學士

孫瑜

宋史本傳字叔禮博平人為兩浙轉運使先是
郡縣倉庾以斗斛大小為奸瑜奏均其制黜吏
之亡狀者民大喜有言其變新器非便下遷知曹
州尋有言瑜所作量法均一誠便者乃還其元資
累官工
部侍郎

欽定四庫全書

浙江通志
卷一百四十六

九

葉清臣

宋史本傳字道卿蘇州長洲人天聖進士知
秀州累遷兩浙轉運副使太湖有民田豪右
據上游水不得洩而民不敢訴嘗建議請疏盤龍漚
滬潰港入于海民賴其利皇祐元年為侍讀學士
知河
陽

許元

歐陽脩許元墓誌字子春宣城人仁宗時京師
粟少而江淮歲漕不給以元為江淮兩浙利湖
發運判官元曰以六路七十二州之粟不能足京
師者吾不信也至則治千艘浮江而上所過州縣
留三月食其餘悉發而州縣之廩遠近以次相補
由是不數月京師足食既而嘆曰此可為於乏時
然歲漕不給者有司之職廢也乃考故事明約信
令發斂轉徙至于風波遠近遞速賞罰皆有法凡
江湖數千里外談笑治之不擾不勞而
用以足官至工部郎中天章閣待制

鄭向

宋史本傳字公明開封陳留人舉進士為兩浙轉運副使疏漕河抵于江人以為便復為鹽鐵

判官以龍圖閣直學士知杭州

吳奎

宋史新編字長文淮州北海人舉五經皇祐中兩浙轉運使喜獎廉善有所知輒言仕至叅知

政事沒之日家無餘資

孫甫

歐陽脩孫甫墓誌字之翰許州陽翟人天聖進士歷兩浙轉運使范文正公守杭州以大臣或

便宜行事甫曰范公貴臣也吾屈于此則不得伸于彼矣由是一切繩以法然退而未嘗不稱其賢

也嘉祐元年遷河北轉運使

林從周

嘉靖浙江通志湖州人登進士第累官浙東提點刑獄率多平反

欽定四庫全書

浙江通志卷一百四十六

三

侯叔獻

嘉靖浙江通志字景仁宜黃人慶歷進士累官兩浙常平使者兼鄱水監建議置提舉於

田司相地利引水灌田四十萬頃治水得性每詔獎諭

王鼎

宋史本傳字鼎臣館陶人進士第提點兩浙刑獄累遷淮南兩浙刑湖制置發運副使前使者

多漁市南物因奏計京師持遺權貴鼎一無所市獨悉意精吏事無大小必出于已凡調發綱吏

度漕路遠近定先後為成法於是勞逸均吏不能為重輕官舟禁私載舟兵無以自給則盡盜官米

為奸有能居販自贍者市人持以法不肯償所通鼎為移州縣督償之舟人有以自給不為奸而所

運米未嘗不足入為三司監鐵副使鼎自奉儉約當官明敏強直不可撓所薦士多知名

薛向

宋史本傳字師正河中人神宗知向才以為浙江刑淮發運使綱舟歷歲久蒿工利于盜貨嘗

假風水沉溺以滅迹向募客舟分載以相督察官舟有定數多為主者冒占悉奪昇屬州諸運皆請本曹受遣以地有美惡利有重輕為立等式用所漕物為誅賞遷天章閣待制

李復圭

宋史本傳字審言徐州豐人歷兩浙轉運使浙民以給衙前役多破產復圭悉罷遣歸農

今出錢助長召人承募民使之瀕海人賴給沙地以生豪家量受稅于官而占為己有復圭奏蠲其

稅分以與民熙寧初進直龍圖閣知慶州

沈立

宋史本傳字立之歷陽人舉進士累遷兩浙轉運使蘇湖水民艱食縣戒強豪民發粟以賑立

亟命還之而勸使自稱貸須歲檢官為責償茶葉害民山場堆場多在部內歲抵罪者輒數萬而官

僅得錢數萬立著茶法要覽乞行通商法如所請召為戶部判官出為江淮發運使知越州杭州

欽定四庫全書

浙江通志卷一百四十六

三

張載

伊洛淵源錄字子厚世大梁人家鳳翔郿縣嘉祐進士熙寧二年除崇文院校書命案獄浙東

或曰張載以道德進不宜使之治獄執政曰叔問如皋陶猶且獄獄此庸何傷明刑弼教多所平反

焉

蔣之奇

東都事畧字穎叔常州宜興人舉進士英宗立擢江淮刑浙等路發運副使元豐六年漕

六百二十萬石至京師始建鑿泗州股渠以避長淮之險自是無溺者崇寧九年除觀文殿大學士

知杭州以疾告歸

韓晉卿

宋史循吏傳字伯修密州安丘人以五經中第歷嘉興主簿元祐初知明州兩浙轉運使

時差役法復行諸道處畫多倉卒失叙獨晉卿視民所宜而不戾法指入為大理少卿

張康國

宋史本傳字賓老揚州人第進士紹聖中提舉兩浙常平豪猾望風斂服發倉救荒江南就食者活數萬口徙福建轉運判官

曾孝蘊

宋史會公亮傳孝蘊字處善泉州晉江人紹聖中提舉兩浙常平改轉運判官徽宗時徙江浙荆淮發運以顯謨閣待制知杭州宣和二年知歙州方臘起青溪復改杭州時賊已破杭孝蘊單車至城下城既克復軍士多殺人孝蘊下令從者得首毋輒殺皆束手不敢驚論功進顯謨閣直學士

李椿年

西江志字仲永浮梁人政和進士歷官兩浙轉運使檢括隱漏別為圖籍凡二十四條該盡田畝形勢閏七月告成陞戶部侍郎

欽定四庫全書

浙江通志

卷一百四十六

陳邁

宋史本傳字亨伯永州人登進士第宣和二年方臘亂加龍圖閣直學士經制七路治于杭劾越州王仲薏糾市民造金茶器減直買軍糧券而以私錢取之仲薏坐黜杭經巨寇後河渠湮塞邦人以水潦為病邁以冬月檄真揚潤楚諸郡凡所貼網卒悉集治所用其力治河不兩月畢杭人利焉徙河北鄆轉運使

王士言

宋史本傳武舉進士累立戰功宣和初方臘為寇詔擇才畧之士馮熙載薦為東南第三將首解嘉興之圍靖康元年詔以浙西兵往河東防秋金人入澤州士言戰死贈拱衛大夫忠州團練使

王復

蘆浦筆記字景仁湖州溫川人以門蔭補官歷兩浙轉運副使方臘初叛所過守將望風奔駭

復下令所部嚴堡壘脩戰備竭力討賊屢戰有功賊平擢徽猷閣待制遷都轉運使朱勗以范石本

艮岳多取漕艦以載號直達網復曰今寇起倉卒飛輓繁困而倭幸之徒猶欲以苑囿惑上心固執不與復疏奏謂必不可以不急之務疲民費財擢龍圖閣直學士後贈資政殿學士諡壯節

柳約

宋史本傳字元禮華亭人大觀上舍進士靖康初以直龍圖閣知台州徙嚴州兼浙西兵馬都監節制管内軍馬金人大入列郡震恐約屹保孤城悉力捍禦境內安堵上書請糾合諸郡克復吳會上嘉其忠詔以軍興費出無藝吏慢弗度柳約獨謹賦輸率先程督進秩一等又詔約郡當兵衝而能不辭難不避事保綏一方以約允集英殿修撰擢權戶部侍郎

翟汝文

宋史本傳字公異潤州丹陽人登進士第欽宗即位知越州兼浙東安撫使建炎改元上

欽定四庫全書

浙江通志

卷一百四十六

趙叔近

宋史本傳魏悼王五世孫建炎元年為秀州守抗卒陳通反抵秀州城下叔近乘城諭以禍福亂兵乃去未幾差擢兩浙提刑叔近招通通應命叔近以數十人入城衆猶不解甲叔近置酒推誠待之遂皆感服城中稍定紹興九年贈集英殿修撰

王淵

宋史本傳字幾道熙州人宣和五年劉延慶討方臘以淵為先鋒賊據錢塘湖諭小校韓世忠曰賊謂我遠來必易我明日爾逆戰而偽遁我以強弩伏數百步外必可得志世忠如其言賊果迫之伏弩卒發應弦而倒遂北至淳安賊據清溪峒逆圍而平之授閤門宣贊舍人康王即位以淵為

呂頤浩

制置使平抗賊提兵四出所向皆捷遣向德軍節度使苗傅劉正彥怨淵及于難贈開府儀同三司

宋史本傳字元直齊州人進士第建炎二年拜同簽書樞密院事江准兩浙制置使改江東安撫制置使兼知江寧府時苗傅劉正彥為逆以兵發江寧將至平江張浚乘輕舟逐之相持而泣即舟中草檄進韓世忠為前軍張俊翼之劉光世為遊擊頤浩浚總中軍發平江傅黨託旨請頤浩單騎入朝頤浩奏所統將士忠義所激可合不可離傅等恐懼乃請高宗復辟師次臨平苗傅等拒戰頤浩被甲立水次出入行陣督世忠等破賊傅正彥引兵遁頤浩等以勤王兵入城都人夾道聳觀以手加額以頤浩守尚書右僕射中書侍郎兼御營使五年除少保浙西安撫制置大使知臨安府行宮留守明堂禮成進封成國公諡忠穆

欽定四庫全書

浙江通志

卷一百四十六

張浚

宋史本傳字德遠漢州綿竹人進士第建炎三年以浚同御制軍馬會苗傅劉正彥作亂浚起兵討賊會韓世忠舟師抵常熟浚因大槁將士

令世忠以兵赴闕世忠至秀大治戰具傅等遣重兵扼臨平會呂頤浩劉光世兵踵至浚乃聲傳正彥罪傳檄中外率諸軍總進高宗除浚知樞密院事浚次臨平賊兵拒不得前世忠等搏戰大破之傅正彥走闕中浚命世忠追縛之以獻高宗以浚為川陝宣撫處置使孝宗即位拜尚書右僕射同中書門下平章事致仕諡忠獻

韓世忠

宋史本傳字良臣延安人宣和二年方臘反世忠以偏將從王淵討之次杭州賊奄至世

忠以兵二千伏北關堰賊過伏處眾譟亂世忠追擊賊敗而遁窮追至睦州清溪峒挺身仗戈直前渡險數里擒其穴擒臘以出建炎二年陞定國軍承宣使三年苗傅劉正彥反世忠舉酒酌神曰誓

不與此賊共戴天以所部發至秀州造雲梯置器械次臨平賊將苗翊馬承吉負山阻河為陣中流

植鹿角梗行舟世忠舍舟力戰軍少却世忠復舍馬操戈而前賊列神臂弩持滿以待世忠瞋目大呼挺刃突前賊辟易矢不及發遂敗傅正彥開湧金門遁詔授武勝軍節度使御營左軍都統制請于帝曰賊擁精兵距臨平甚逼倘成巢窟卒未可滅請討之于是以為江浙制置使自衢信追擊至漁梁驛與賊遇世忠挺戈而前賊望見昨曰此韓將軍也皆驚潰擒正彥及傅弟翊送行在傅亡建康追擒之帝手書忠勇二字揭旗以賜授檢校少保武寧昭慶軍節度使諡忠武

張俊

宋史本傳字伯英鳳翔成紀人建炎元年為御營前軍統制討陳通于杭州蔣和尚等于蘭溪

欽定四庫全書

浙江通志

卷一百四十六

平之二年破秀州賊數萬縛徐明斬之苗傅劉正彥反張浚論以起兵問罪韓世忠為前軍俊以精兵翼之戰于臨平傅等兵敗俊入見帝拜御營右軍都統制尋為浙東制置使金人渡江攻浙帝如明州俊自越州引兵至帝御樓船如溫州留俊明州拒敵癸卯除夕金兵至城下俊死戰破之戒將士毋驕惰下令清野多以輕舟伏弩閑關自守四年正月旦金人果復攻明州俊遣兵掩擊金人拔砦去未幾江浙羣盜蜂起授俊兩浙西路制置使十月浙西羣盜悉平改江南招討使紹興十二年封清河郡王

劉光世

宋史本傳字平叔保安軍人以蔭補三班奉職方臘反光世自將一軍趨衢發出其不意

破之建炎二年光世為行在五軍制置使苗劉為亂張浚勤王光世以選卒為遊擊遇苗翊馬承吉軍于臨平與韓世忠等破之遷太尉御營副使尋授浙西安撫大使後拜少師封榮國公追封鄜王

張子益

宋史本傳字德高初從韓世忠討苗傅補承信郎累功遷武功郎紹興十三年授龍神衛

四廂都指揮使兩浙西路馬步軍都總管

胡唐老

宋史忠義傳字俊明晉陵人崇寧進士建炎三年知衢州苗傅以兵犯城唐老拒之以功

擢秘閣修撰未幾兼浙西安撫使杜充降金潰卒戚方欲犯臨安言赴行在請唐老部眾以行唐老不從論以逆順禍福方眾環脅之唐老怒罵遂遇害贈徽猷閣直學士諡忠愍

李迨

宋史本傳東平人以陰補官建炎三年為御營使司參議官魚指置軍前財用苗傅劉正彥叛

呂頤浩張浚集勤王之師迨流涕謂諸將曰君第行無慮軍食師行所至食皆先具事平除權戶部侍郎紹興五年除兩浙轉運使言祖宗都大梁時歲漕東南六百餘萬斛而六路之民無飛輓之擾

欽定四庫全書

浙江通志卷一百四十六

五

楊存中

宋史本傳本名沂中字正甫代州崞縣人宣和末積功至忠翊郎遷閤門祇候建炎二年

討賊徐明于嘉興先登主帥將屠城存中力諫止之郡賴以全高宗南渡以勝捷軍從張俊守吳門苗劉之變又從俊赴難遷貴州團練使尋為御前

右軍統領金人攻明州又從俊與田師中趙密殊死戰破之以奇功遷文州防禦使御前右軍統制

紹興三年嚴州妖賊羅據白馬源存中討平之加保信軍承宣使後封同安郡王諡武恭存中御

軍寬而有紀所用將士專以才勇選不私部曲之

舊

夏榮

嘉靖浙江通志字子顯大梁人累立戰功建炎間從張俊戰苗劉敗走之遷武經大夫金追帝

明州榮從楊沂中迎戰高橋身中十八鎗甲為赤勇氣蓋奮陞兩浙節度使封英國公

張宗顏

宋史本傳字希賢延安人張俊選為統領從俊討浙西寇秀州軍校徐明以城叛宗顏夜

襲其城明遁轉忠州刺史遷御前中軍統制金攻明州宗顏破其前軍後擢龍神衛四廂都指揮使

王德

宋史本傳字子華通遠軍熟羊砦人以武勇聞軍中呼王夜叉建炎元年以勤王隸劉光世三

年遷前軍統領光世討苗劉走闕中詔德追擊德斬苗瑒擒馬柔吉送行在紹興元年平秀州

賊即青初德與青戰謀言將用火牛德笑曰是古法也可一不可再命令合軍持滿陣始交萬矢齊發

欽定四庫全書

浙江通志卷一百四十六

五

牛皆反奔賊眾殲焉青自縛請命獻俘行在封龍西郡侯歷浙江總管

李寶

宋史本傳河北人金使蘇保衡出海道襲浙江乃授寶浙西路馬步軍副總管令督海舟捍禦

次江陰先遣子公佐潛伺動靜虛實公佐已挾魏勝得海州寶喜趣眾乘機進適大風作海濤如山

寶神色不為動風少殺始縱舟泊抵東海敵已雲合圍海州旌麾數十里寶麾兵登因握槳前行遇

敵奮擊將士賈勇無不一當十敵引去勝出城迎寶獎其忠義遣辦者四出招納降附聲振山東豪

傑爭應寶檄所部會密之膠西命公佐以邸事畧勝與發至膠西石曰島敵引舟雁乃持戰寶船鼓

聲震疊海波騰躍敵大驚寶亟命火箭環射延燒數百艘斬其帥六人詔獎論書忠勇李寶四字表

其旗幟除靜海軍節度使沿海制置使